



IJWI RY'UBUHANUZI  
ISHURI RYA BIBILIYA  
MW IPOSTA

B.P. 1710

BUJUMBURA

BURUNDI

ICIGWA CA 19

ABANA B'IMANA BAGUMA MU RUHANDE  
RWAYO RWOSE

Umurongo wo kwibukwa : « Ufatanye nanje kwihanganira imbabaro, nk'uko bikwiye umusoda mwiza wa Kristo Yesu. Ntamusoda yikwegera mu vy'ubu bugingo, ngw az'ahimbare uwawandikiye ubusoda. » 2 Timoteyo 2 : 3,4.

URWINJIZO

Umusi umwe umusirikare yazimiriye mu ntambara, nta war'az ahw ari, mu ngabo vyaribonekeza kw atari kumwe n'abagenzi biwe ku rugamba. Urugamba ruhoshorotse, umukuru w'intwarahiheto atuma abasirikare ngo baje kumurondera. Batangajwe cane n'uko bamusenze yitemberera mu murima w'amashurwe. Bamushikirije umukuru w'izo ntwaremiheto. Umukuru w'intwaremiheto aramubaza icamubujije kuza mu rugamba. Amara umwanya muniniya ataramwishura, niho yahava yinangamura, ati « Bwana nta kibi nakoze. » Kur'yo mpamvu bamucira urabanza rwo gupfa. Araraswa, kuko yahemutse ntagende mu rugamba. Azira ko ata co yakoze ngw igihugu ciwe kineshe abansi.

Ubu har'abantu bangana iki mbere n'abiyita abakurikira Yesu Kristo, bibagira kw ar'abasirikare b'umusaraba wiwe. Kandi ko bari mu rugamba rukomeye mur'ubwo bubasha bw'ibibi.

Mur'urwo rugamba, Kristo n'abantu biwe bari mu ruhande rumwe ; na Satani n'ingabo ziwe bari mu rundi ruhande. N'i-ntambara iri hagati y'ukuri n'ibinyoma, Ubugingo n'urupfu. « Kukw abo tunigana atar'inyama n'amaraso, ariko tunigana n'abakuru bafise ububasha n'abaganza iyi si y'umwiza, n'impwemu mbi z'ahantu ho mw ijuru ». Abanyefeso 6 : 12.

Umuntu wese ategerezwa kuba mu ruhande rumwe canke mu rundi. Ntashobora gufata impande zose ngw abe uwa Yesu uruhande rumwe, kandi abe uwa Satani urundi. Yesu yavuze, ati « Utamperereyeko n'umwansi wanje, kand'udasukiranya nanje arasanaza ». Matayo 12 : 30. Arongera aravuga, ati : « Nta wusaba abami babiri : kuko yokwanka umwe, agakunda uwundi, canke yoguma kur'umwe akagaya wa wundi ». Matayo 6 : 24. Umuntu n'umusirikare wa Yesu cank'uwa Satani.

Yesu Kristo « Indongozi y'agakiza kacu. » (Abaheburayo 2 : 10) « Niyo Mwami w'abami, uganza abaganza. » (1 Timoteyo 6 : 15). Umugambi wiwe, n'ukurandura wa mubisha, ari we Satani. (Matayo 12 : 25,30). Iyi ntambara iri hagati y'ukuri n'ibinyoma s'ibikino. « Mw ijuru habahw intambara hagati ya Kristo

na Satani. » (Ivyahishuwe 12 : 7-9). Iyi ntambara irwanya yongerekana mur'iyi si, kandi'uko tubisoma mu bikurikira iki cigwa, Satani azi kw asigaje igihe gito. (Umurongo wa 12) Arwanisha Imana ishavu ryinshi cane. Arwanya ubutegetsi bw'Imana, arwanya amategeko y'Imana kandi akarwanya abantu b'Imana. Mu gice ca 17, dusoma yuko akurikiranye cane abakurikiza amabwirizwa y'Imana bakagira kwizera nk'ukwa Yesu Kristo.

Kuko turi abakristo, turi mu ruhande rw'Imana mu rugamba. Ingabo zose zifise amategeko yazo azifata, azerekeye. Ingabo z'Imana zifise amabwirizwa yazo, ariyo mabwirizwa cumi, n'ubundi buyobozi bwatanzwe n'Ijambo ry'Imana. Umusirikare akwiye kubaho s'ivyo yumvana abandi, ariko akwiye kumenya neza ibimubereye, akamenya ic'Imana imugombako. Azocirwa urubanza n'ayo mategeko y'ingabo, ni yaba ar'umusirikare yizigirwa canke agurisha igihugu ciwe. Ntashobora kuvuga ngo yakoze ikintu kuko yabonye abandi bagikoze. Abwirizwa kugamburukira, gusonera amategeko y'ingabo arimwo. N'umukristo nyene n'uko akwiye gukurikiza amategeko ari mwijambo ry'Imana mu «urwana mur'iyi ntambara y'ivyaha. Imana izohezagira igikorwa ciwe.

Ntashobora kuvuga nk'uko wa musirikare twasomye mu ntango y'iki cigwa yavuze, ati « Bwana nta kibi na'koze. » Ni ngombwaa kw aja mur'urwo rugamba. S'ukuvuga ko yogira uwo vyanaka. None Imana iremera ko twitanga igice?

Ubutungane bubonekera mu kumvira Imana. Non'umuntu yoshobora kumvira ubutegetsi, kandi akagambararira amategeko yabwo? Vyongeye umusirikare yoshobora kwemeza kw ar'umusirikare w'ukuri, kandi iyo urugamba rukamyve ataseruka mu bandikurwanira igihugu ciwe? Umusirikare wa Kristo na we afasha Imana igice, aba yerekanye kw akunda Umwansi.

#### 1. **Imara yageragesheje ubutungane bwa Adamu na Eva gute ?**

Imana yageragesheje ubutungane bwa Adamu na Eva kubabuza kurya ivyamwa vy'igitu yashize mu murima. Mur'iryo gera-gezwa baracumuye. Non'Imana yakurikije ivyo bintu? Canke yavuze, iti « Ivyo sinzovyitaho, iti Naho bariye ivyamwa vy'ico giti ntaco bitwaye? » Oya ye, siko yavuze. Yabahaniye ubugaba bwabo.

#### 2. **Ubutungane bwa Kayini n'Abeli bwageragejwe gute ?**

Imana yari yarigishije Adamu na Eva ko bazoraba imbere kugeza ku rupfu rwa Yesu, kugira ngo baze bashobore gukizwa n'urupfu rwiwe imyaka yose. Kugira ngo baze bagume bibuka inkuka ya Yesu yabatangiwe n'ikimenyetso co kwizera kwabo kur'ijo nkuka, bategetswe ko bazokwama bashikanira Imana umwagazi w'intama. Babwirizwa kuja barasesa amaraso y'uwo mwagazi w'intama nk'uko Yesu yar'agiye kubasesera ayiwe. Umwana wabo Abeli, yatoranje umwagazi w'intama. Maze mukuru we ari we Kayini, yar'umurimi, yibwiye kw amatunda yiwe azoba nk'umwagazi w'intama. Ni kuki yategerezwa kugura umwagazi w'intama kwa murumuna we? None ayo matunda ntiyari meza? Yari meza. N'ikimazi ciwe categerezwa kuba ciza nk'ica murumuna we. Mu vy'ukuri, Imana yari gushima ishikanwa ryiwe. Ariko none Imana yemeye amatunda ya Kayini? Haba na mba. (Soma Itanguriro 4 :1-6). Mu guhereza Kayini yabaye umwicanyi. Yishe murumuna we Abeli, intungane, nk'uko tubisoma muri Yohana 3 : 12, ngo « N'ukw ibikorwa vyiwe vyari bibi, ivya murumuna we bikaba vyiza. » Umuntu wese yanka kwumvira Imana ahindutse ntashobora kumenya urugendo azogendera mu bicumuro uko ru-reha.

**3. Muka Loti yanse kumvira Imana, amaherezo yahindutse gute ?**

Mu gitabo c'Itanguriro 19 : 1-26, dusomamwo ivyerekkeye igesewza rya ca gisagara c'i Sodomu. Imana yagomba ko Loti n umuryango wiwe bava muri Sodomu kitaragesezwa. Yatumye umumarayika ngw ababurire. Bamwe mu bana biwe ntibagomvye kumvira izo mburi, basohora Loti ku nguvu, hamwe n'umugore wiwe n'abakobwa biwe babiri. Ntibishimiye kuva mur'ico gisagara, ngo basige incuti zabo n'abandi bavandimwe babo. Imana yar'izi ko bizobagora bagitangura. Imana kubera ikigongwe cayo yatumye abamarayika ngo babakwege amaboko babakure mur' ayo marushwa. Yababujiye kuraba inyuma. Yar'izi ko kuraba inyuma bizobabuza guhunga. Ariko umugore wa Loti ntiyemeye ivyo Imana yavuze. Yaravye inyuma kuko yifuza cane gusubirayo. Buno nyene yaciye ahinduka inkingi y'umunyu. Yesu mu kubwira abantu avuga, ati « Ni mwibuke muka Loti. » Luka 16 : 32. No muri Samwelii igice ca 15 n'ica 16 hari akarolero k'umwami Sauli, yibwiye ko n'atumbira Imana itazovyitaho. Yishe ab'Imana yari yamutegetse, ariko akiza umuntu umwe rudende, ari we mwa-mi w'inkozi y'ikibi. Kandi yaretse inka n'intama yari yamutegetse kw azihonny. None Imana yabonye ko Sauli yishe abantu bose, agasiga umuntu umwe gusa, ari we wa mwami w'inkozi y'ibibi n'inka n'intama ? Mbega Imana yavuze, iti « Ni vyiza Sauli yagamburutse, yakoze ivyo namutegetse ? » Oya ye ! Ntiyemeye kw'abandanya kuba umwami, yimitsi Dawidi. Imana iko ana ubwitonzi. Iyo itanzie ibwirizwa iba izi ko ribereye umuntu kandi ko ryomunezereza. Amabwirizwa yayo ni yo mategeko meza umuntu ashobora kurangura ngo abeho. Ikibabaje n'ukw Imana yakunze umuntu, umuntu na we ntaheze ngw ayigamburukire. Imana ntinezerezwa n'ivyo umuntu azokora, ahubwo inezerezwa n'ivyo akora. « Umuntu wese amvumereza, ati Mwami, Mwami ; si we azokwinjira mu bwami bwo mw ijuru, atar'ukora ivyo Data wo mw ijuru agomba » Matayo 7 : 21.

Indwano yadutse mw ijuru (Satani arwana na Kristo) Imana ntizojana mw ijuru uzosubira gutera uwo mudurumbanyo. Izojana incuti zayo gusa, mur'ico gihugu c'amata n'ubuki. None incuti zayo tuzimenga gute ? Ni bantu ki ? Yesu yaravuze, ati : « Mur'abakunzi banic, ni mwakora ivyo mbagera. » Yohana 15 :14.

Iy'umuntu ar'umusirikare ntashobora gutanga urwitwazo rw'ivyo yahora akora ataraba umusirikare. Urwo rwitwazo nti-rwemerwa na mba. Ivyo yakoze vyose ataraba umusirikare ntaco bitwaye. Ategerezwa kubaho gisirikare, akarwana intambara gisirikare. Akagereranya ukubaho kwiwe n'amategeko y'abasirikare. Iyo ukubaho kwiwe kwifashe gisirikare, aca aharurwa nk'incuti ya Leta, akaba n'incuti y'uwanmutoreye ubusirikare.

**4. Umusirikare w'Imana ategerezwa iki ?**

« Ufatanye nanje kwhanganira imibabaro, nk'uko bikwiye umusoda mwiza wa Yesu Kristu. » 2 Timoteyo 2 :3.

**5. Ni kintu ki ciza, kizoshikira umusirikare azotsinda mur'iyi ntambara y'ivaha ?**

« Ibisigaye, muremesherezwe mu Mwami wacu, no mu bushoboz iwiwe bwinshi. » Abanyefeso 6 :10,11. Umuntu ake. nye inkomezi z'Imana kugira ngo agume mu ruhande rwayo. « Mwambare ibirwanishwa vyose vy'Imana, kugira ngo mushobore guhagarara mudatsinzwe n'ubugunge bwa wa Murwanizi. » Paulo

Atanga insiguro irashe y'ibirwanishwa vy'Imana mu mirongo ikurikira. Umurongo wa 14 n'inkinzo y'ukugororoka, umurongo wa 15 n'ukwambara inkweto z'ivy'ubutumwa bwiza bw'amahoro bubiteguza. Umurongo wa 16, n'inkinzo y'ukwizera. Umurongo wa 17, n'inkofero y'agakiza bo n'inkota ya Mpemwu ari yo Jambo ry'Imana. Umurongo wa 18, n'ugusenga ubudasiba. Umuntu yambaye ibirwanishwa vya Kristo gurtyo, azokwama yifusa guhesha Imana icubahiro mu vy'akora vyose. (1Ab'i Korinto 10 : 31).

#### 6. Imana ishaka[ k'umusirikare rukristo akora iki ?

Ko yiga Ijambo ry'Imana nk'uko ryamenyeshejwe mur'ibi vyigwa, nawe musomyi wize ingene Imana ishaka kw abana bayo bamera, ari bo basirikare barwanira mu ndwano yayo. Wize yuko uwo musirikare : (a) Azokwakira Yesu nk'ivyzigiro vyiwe wenyene vy'agakiza, (b) azotahura neza amabwirizwa cumi y'Imana, ari yo igomba k'umwana wayo wese akurikiza. (c) Azohimbaza isabato ku musi ugira indwi kukw ari wo musi were Imana yejeje ikawuhezagira. (d) Azobatizwa nk'uko Yesu yabatijwe. (e) Azokunda ijambo ry'Imana kandi akunde kuganirira na yo mu maseshgo no mu ndirimbo. (f) Azohimbarwa n'ugusenga Imana hamwe n'abandi bana bayo bayubaha. (g) Azonezerezwa no kuvugisha ubutumwa ikigiracumi n'imperezwa. (h) Azotuma umubiri, wiweuba muzima, yongere akengurukire Imana muvy'akora vyose haba no mu kurya canke mu kunywa. (i) Azokunda bagenzi biwe bo mu moko yose no mu miryango yose, kuko nabo ar'abana b'Imana. (j) Kandi azoba umwizigirwa mu majambo no mu bikorwa.

#### 7. N'ibihe bintu umusirikare rukristo ategerezwa kwirinda ?

Ntazokiyumvira ibibi. « Ibisigaye, bene Data, ivy'ukuri vyose, ivyo kwubahwa vyose, ibigororotse vyose, ibitanduye vyose, vy'igikundiro vyose, ibishimwa vyose, ni haba harih'ingeso nziza, ni haba hariho gushimwa, abe ari vyo mwiyumvira. » Ab'i Filipi 4 :8.

Azotuma ubwenge bwiwe butungana kugira ngo bwuzure iviyiyumviro vy'Imana. « Maze amahoro y'Imana aruta uko yomenya n'umuntu wese, azoshibamira imitima yanyu n'ivy'umviro vyanyu muri Kristo Yesu. » Ab'i Filipi 4 :7.

Ntazosoma ibitabo vyotuma ubwenge bwiwe bwuzura ibibi. Ntazorobera isinemba mbi. Umwana w'Imana ari we musirikare wayo ntazokandagira mu mazu berekaniramwo amasinema ari-mwo amafoto y'ukwicana, n'ubusambanyi, n'ibikorwa bibi vy'cumuro vyekanirwayo, bishobora gutera ubushirasoni, no kubikundisha ubwenge.

Igihe abana b'Isirayeli bayoborwa n'Imana bagiye mu gihugu c'amasezerano, ntibategetswe kwica abo bantu babi n'igihugu cabu gusa, ariko bategetswe n'ukumenagura ibibuye vyabo vyose. « Muze mwirukane bene igihugu bose, mumenagure ibibuye vyabo vyose bikorogoshoyekw ibishushanyo, mumenagure n'ibishushanyo vyabo vyose vyavugutiwe mu nkero, mukomvomvore ibitabo vyabo vyose vyo mu mpinga z'imisozi ». Guharura 33 :52. Ni kuki Imana yashatse ko bahomvagura ibishushanyo vyose vya ben'igihugu babi ? Ni kukw Imana izi kw ico amaso abona kennshi na kenshi ari co umutima uheza ukifusa. Mu mafoto 250 yerekanywe muri Sinema, harimwo amafoto 9 y'abicanji, 45 n'ay'abantu biyahuye. Ayasigaye nayo 94 n'ay'ibibi bitavugwa. Abo bantu bensi bayakiniramwo, 176 muri bo n'ibisuma, abagore 25 n'inkozi z'ibibi, 35 n'imborerwa.

Mbega Imana ishaka k'umuntu wese yitegurira kubana na yo n'abamarayika beranda bokwitwararika ibantu nk'ivyo ? Haba na mba ! Ntigomba yuko yoja mu bikino ivy'ari vyo vyose vyotuma imigenzo yiwe ihinduka, agahurumbira ibantu bibi. Umwana w'Imana ntazotega amatwi imvyino n'ibiganiro bibi bivugwa kw isi, ivy'ari vyo vyose. None Yesu we, yararorereye amafoto nka ben'ayo ? Oya ye. « Uvuga kw ahora muriwe akwiye na we kugenda nk'uk'uwu yagenda ». 1 Yohana 2 :6.

Mu buzima bwiwe, ntiyovuga amajambo atokwubahuka ku-vugira imbere ya Yesu no mu maso y'abamarayika, kuko bahora bandika ibikorwa yiwe vyose n'ijambo ryose. None ibwirizwa rya gatatu ridutegereza iki ? « Ntugapfe kuvuga izina ryanje, jewe Uhoraho Imana yawe, ku vy'ubusabusa. » Kuvayo 20 :7. Canke kurirahiza ; cank'avuma bene wabo.

Umukristo azokwambara impuzu zihuje n'ukw Imana ishaka kutuyoboramwo, akurikije imigenzo idateye ukubiri n'ijambo ry'Imana. Adamu na Eva bataragarariza, bari bambaye ubwiza bw'Imana, ariko bamaze gcumura, Imana yaciye ibanyaga bino vyambarwa, baravye basanga bari gusa, biyorosa ibibabi vy'ibiti, ab'ari vyo bambara. (Itanguriro 3 : 7). Ivyo bibabi, ntivyahishije ubwambure bwabo neza, vyongeye Imana ntiyashimye ukwo kuba-ho kwabo. (Itanguriro 3 : 21). Imana ishaka k'umuntu yambara. Nta na rimwe ikunda kw abana bayo bambarira ubwishiime. Na-we ushobora kugeragezwa n'inyosha mbi, zivuye ku bwenge buke, ukarwanya Imana nk'uko Satani yabigize. Imana itubwira, iti « Har'ibantu bitandatu Uhoraho yanka, mbere n'indwi bimuse-sema : Amaso y'ubwibone n'ururimi rw'ibinyoma, n'amaboko avisha amaraso y'aberanda ; n'umutima ugera imigabo mibi, n'ibirenge vyihutira kwirukira ikibi, n'icabona c'ibinyoma kivuga ivy'ubuhumvyi, n'uvyura imitonango mu bavukana. » Imigani 6 :16-19.

Imana ishaka kw abana bayo bambara umutamana w'umutima, umutamana w'ubugwaneza no kwicisha bugufi. « Ugushaza kwanyu ntikube ukwo ku rukoba kwo gutsiba umushatsi, cank'ukwo kwambara izahabu nziza ; ariko kube ukw'umuntu abishijiwe wo mu mutima, ugushaza kudashira, ni kwo mutima w'ubugwaneza utekereje, nikwo kw'igiciro kinini imbere y'Imana. » 1 Petero 3 : 3,4. « Ariko bashazishe ibikorwa vy'ingeso nziza, nk'uko bikwiye abagore bavuga yuko bubaha Imana. » 1 Timoteyo 2 :10. Mur'iki cigwa twize kw Imana idashima kw abana bayo bambara ibirenza urugero, kugira ngo bibonekeze gusa, canke kugira ngo bikwegerekw abandi. Ivyo vyose dukwiye kubireka imbere y'ukubatizwa. « Maze Yakobo aca abarira abiwe n'abari kumwe na we bose, ati Nimukurehw ibigirwamana vy'abanyamahanga biri muri mwebwe, mwihumanure, mwambare izindi mpuzu. Bahá Yakobo ibigirwamana vy'abanyamahanga vyose bari bafise. n'impeta zari ku matwi yabo ; Yakobo abizika musi y'igitit cipta umweloni cari hafi y'i Shekemu. » (Itanguriro 35 : 2,4.) Yar'azi kw Imana idakunda bene ivyo bintu.

Abana b'Isirayeli aho bari bateraniye ku musozi wa Sinayi, (Horebu) umusozi Imana yamanukiyeko aho yabashikiriza amabwirizwa cumi, yabategereje kwiyambura ibisharizo vyabo vyose. « Nuko rero ni mwiyambure utugenegene twanyu two gu-shaza, kugira ngw amenye ukw abagirira. Abisirayeli biyambura utugenegene twabo, uhoreye bakiva ku musozi Horebu, no mu rundi rugendo rwabo rwose. » Kuvayo 33 :5,6.

Hariho izindi nkino Imana idakunda : Nazo n'amakarata, akamari, (urusimbi) kuko akamari gakwegakwegera umuntu mu bicumuro bitari bimwe. Umusuma wese iyo ava akagera, imborerwa cank'umuntu wese akora ibibi, ar'umugabo canke umugore, bo n'ukina akamari. Imana ntigomba kw abana bayo bakina

akamari mu kwitungisha, igomba ko bakora. « Ukwirirwa urabira akuya nikwo kuzoguhesha ivyo kurya uz'urind'usubira mw ivu kukw ari ryo wakuwemwo : ur'umukungugu kand'umukungugu niwo uzosubiramwo. » Itanguriro 3 : 19. Imana ibwiriza umuntu gukora. « Mu misi itandatu uz'ukore, abe ari yo ukororamw ibikorwa vyawe vyose ; arikw umusi ugira indwi niwo sabato y'Uhoraho Imana yawe. » Kuvayo 20 :9,10. » Uwiba ntakongere kwiba, arikw apfume acumukura, akoreshe ayiwe maboko ivyiza, kugira ngw aronke ivyo gufasha ukennye. » Abanyefeso 4 :28.

Umusirkare w'Imana ntazoyima ikigiracumi n'imperezwa. (Raba icigwa ca 18). Hariho umuntu yagomba kubatizwa mu mazi, umupastoro arikw aramubatiza abona igodomoni abikamw' amafranga iri mu mufuko w'uno muntu, abwira uwo muntu ko yibagiye gukura igodomoni mu mufuko. Uwo muntu arahakana, ati « Nashatse kw amafranga yanje nayo abatizwa. » Yagomba kw amafranga yiwe nayo aba ay'Imana nkawe.

Abandi biyumvira kw imibereho ya Gikristo ar'ukubuzanya kugira ico dukora gusa. Bibagira rwose ico bakorera Imana ico ari co, n'ubwinshi bw'ivyiza Imana ibakorera. Bagereranywa n'umusirkare yagiye mw ikambi y'abansi, atora isaho y'urusato irimwo amaraso. Agomvye kwikoreshereza uwo mufuko asesa ayo maraso ashira umufuko impande. Abagore n'abana bakengera urukundo nta ngere rwa Kristo, banka kwitwa izina ryiwe, banka kwizigira urukundo rwayo, banka akanyamuneza gahoraho. Abantu nk'abo bameze nka wa musirkare w'igipfayongo yagumije umufuko agasesa amaraso y'igiciro ntangere. Abensi bahurumbira umufuko w'urusato ataco umaze, ari ko gahimbare ko ngaha kw isi, bagatera akagere ijambo ry'Imana ry'akamaro ntangere.

#### KWITWA IZINA RYA YESU.

Iyo umwana avutse yitwa izina ry'uwo muryango nyene. Iyo umuntu abatijwe akavuka ubwa kabiri, yitwa izina ry'uo muryango mushasha. Abatizwa kw izina rya Data, n'Umwana n'irya Mpewemu Yera. Matayo 28 :19. Kwitwa izina ry'umuntu mukuru ngaha kw isi bitera icubahiro. None kwitirirwa Yesu ar'Umuremyi w'isi, s'agaheta ? Ibwirizwa rya gatatu ridutegereza, ngo « Ntugapfe kuvuga izina ryanje, jewe Uhoraho Imana yawe. » N'ukuvuga ko tudakwiye kuvuga izina ryayo ata gituma cumvikana, vyongeye kandi, n'ukuvuga ko usangwa twarabatijwe mw izina ryayo, yifuza ko tubaho. ntitumuhakane mu migenzo yacu igoya-goya. Bibaye birtyo kwoba ari kumwitirirwa ata co bimaze.

Abantu benshi biyumvira ko banezereza Imana mu kuyishikanira imitima yabo bitirirwa izina ryayo. None ico n'igicumuro kigenze gute? Ibiremwa (ivaremwe) bito bito cane vyavuye mw ivu vyo mu bwami bw' Imana bifise amaso atagira igitigiri, vyiyumvira ko guha Imana imitima ar'ukuyisonera. Mbega none s'urukundo rw'Imana rudaserangurika, urukundo ntangere tudasobora gutegera ?

Umuntu wese ategera iyo teka n'akamaro ko kwitirirwa izina rya Yesu, akiwi kuvuga, ati « Sinzovugira ubusa izina ry'Uhoraho. Nzotanga ivyo mfise, kugira ngo ndonke urugori rw' ubuzima. Yesu yakoze ico ashoboye cose ku musaraba ngo akize umutima wanje. Nzokwemera kwifatanya n'Uhoraho ndamwiyeguriye mu kubaho kwanje kwose gushitsa ibihe bidashira ntaravye abantwenga n'imivumo y'isi... Ku bwa Kristo nzoheza ntsinde intambara, none mfasha Mana, sinteze isoni izina ry'Umukiza wanje. Nzokurikiza ukubaho kwa Gikristo i muhira, mu migenzo yanje, nzokwubaha izina rya Kristo. »

« Ivy'ijisho ritigeze kubona, ivy'ugutwi kutigeze kwumva, ibitegeze kwinjira mu mutima w'umuntu, vyose Imana yavyiteguriye abayikunda. » ! Ab'i Korinto 2 : 9.

**ITEGEREZE NEZA :** Ukoresha Bibiliya hamwe n'icigwa. Iki-bazo cose gifise INYISHU IMWE GUŠA. Wandike X mu kazu k'inyishu y'ukuri. Ntihagire ikintu wandika mu tundi tuzu tubiri dusigaye. Raba akarorero ku kibazo ca 1 c'icigwa ca 1.

### IBIBAZO VY'ICIGWA CA 19.

**1. Ni bande bazoja mw ijuru ?**

- A. Abantu batanga ishikanwa ryinshi nibo bazoja mw ijuru.
- B. Abantu bakora ivyo Imana ishaka nibo bazoja mw ijuru.
- C. Abantu basenga cane nibo bazoja mw ijuru.


**2. Ingene Yesu yakora akiri kur'iyi si .**

- A. Yesu akiri kur'iyi si yaja mu bikino bavugirizamwo ingoma.
- B. Yesu akiri kur'iyi si yambara impuzu z'ubwishime.
- C. Yesu akiri kur'iyi si yaranezereza Se wo mw ijuru.


**3. Yesu yagenza gute akiri kur'iyi si ?**

- A. Yesu akiri kur'iyi si yanywa itabi.
- B. Yesu akiri kur'iyi si yavuga ukuri gusa.
- C. Yesu akiri kur'iyi si yarumviriza inkuru zitari nziza.



**4. Mbega ni ngombwa gutanga ikigiracumi n'amashikanwa ?**

- A. Umwana w'Imana ategerezwa gutanga ikigiracumi n'amashikanwa.
- B. Umwana w'Imana ntategerezwa gutanga ikigiracumi n'amashikanwa.
- C. Umwana w'Imana ategerezwa gutanga ikigiracumi igihe adakenny.


**5. Umwana w'Imana akwiye kwitonda.**

- A. Umwana w'Imana akwiye kubeshera abandi.
- B. Umwana w'Imana ntakwiye kugunga abandi.
- C. Umwana w'Imana akwiye kwagiriza abandi ibinyoma.


**IJWI RY'UBUHANUZI  
ISHURI RYA BIBILIYA MW IPOSTA  
B.P. 1710, Bujumbura  
Burundi.**



**Izina.....**

**Ah'uba .....**

